

Dagskrá Stjórnarfundar FKA 2021 - 2022

Fundur #5

Staður: B35/Teams

Dagsetning: 11.11.2021

Tími: 12.00 – 13.30

Mættar voru : Edda Rún Ragnarsdóttir (ERR), Elísabet Tanía Smáradóttir (ETS), Eydís Rós Eyglóardóttir (ERE), Katrín Kristjana Harðardóttir (KKH), Sigríður Hrund Pétursdóttir (SHP), Unnur Elva Arnardóttir (UEA) og Vigdís Jóhannsdóttir (VJ) sem og framkvæmdastjóri félagsins Andrea Róbertsdóttir (AR).

Dagsskrá fundar var:

1. Opnun, stuttur hringur í stafrósröð.
2. Skýrsla framkvæmdastjóra (AR)
3. Alþjóðatengsl FKA (SHP/VJ)
4. Landsbyggðadeildir FKA (AR)
5. Faghópar innan FKA (AR)
6. Sterkari saman – frjáls félagasamtök kvenna (VJ)
7. Verkefni stjórnar, staða og eftirfylgni.
8. Starfsreglur stjórnar yfirfarnar.

1. Stuttur hringur

Stjórnarkonur taka stuttan hring á sinni persónulegu stöðu.

2. Skýrsla framkvæmdastjóra

Staðan er góð á reikningum félagsins og starf gengur almennt vel. Aukning er á félagskonum.

3. Alþjóðatengsl

Vigdís hélt netfyrirlestur fyrir J-Win (Japan's Women Innovative Network) sem gekk afar vel. Hún fór yfir stöðu jafnréttis á Íslandi og á íslenskum vinnumarkaði. BPW Ísland heldur Evrópuráðstefnu BPW (Business Professional Women) 27.-29. maí 2022 og hefur sent FKA beiðni um að halda vinnustofu til að kynna Jafnvægisvog FKA. Málinu var vísað til Jafnvægisvogarráðs.

4. Landsbyggðadeildir

Félagsstarf í landsbyggðadeildum FKA gengur afar vel. Undirbúningur fyrir stofnun FKA Suðurnes gengur vel.

5. Faghópar innan FKA

Nokkuð er um að faghópar séu að myndast innan FKA. Stjórn lítur á slíka grasrótastarfsemi jákvæðum augum og fylgist með hvernig hópar myndast og hvernig utanumhald er.

6. Frjáls félagasamtök kvenna á Íslandi

Tillaga var borin upp um að hefja samantekt og skráningu yfir frjáls félagasamtök kvenna á Íslandi í þeim tilgangi að hafa samband við viðkomandi félagasamtök og kynna starfsemi FKA fyrir þeim. Tillagan var samþykkt.

7. Verkefni stjórnar – staða og eftirfylgni

- Samstarfsverkefni VR, FKA og Félagsvísindastofnunar varðandi rannsókn á aldursfordómum við ráðningar er hafið. Unnur Elva er tengiliður stjórnar í verkefninu.
- Framkvæmdastjóri og formaður FKA munu heimsækja FKA Norðurland heim í næstu viku. Félagskonur verða heimsóttar, fyrirhugað er heimsókn til Jafnréttisstofu, bæjarstjóra og tengslamyndunarviðburður.
- Fyrirhugað er að bjóða umsækjendum Fjölmíðlaverkefnis FKA 2021 í heimsókn til Sýnar. Heimsóknin er í undirbúningi og fer eftir gildandi sóttvörnum.
- Viðurkenningarhátíð FKA 2022 – undirbúningur er hafinn og gengur vel. Unnur Elva og Edda Rún eru tengiliðir stjórnar í verkefninu. Fyrirhugað er að halda hátíðina á Grand hótél eftir gildandi sóttvörnum. Búið er að velja dómnefnd sem mun fá tilnefningar sendar til sín. Hulda Ragnheiður Árnadóttir er formaður dómnefndar og Unnur Elva Arnadóttir varaformaður FKA situr fyrir hönd stjórnar FKA í dómnefnd. Sérblað FKA er í undirbúningi með Fréttablaðinu. 20. janúar er sett dagsetning á Viðurkenningarhátíð og útgáfu sérblaðs FKA. UEA/ERR
- Fjölmíðlaverkefnið – verið er að skoða dómara í dómnefnd sem og ræða við tengiliði verkefnisins innan RUV um framkvæmd verkefnisins. ERE/SHP
- Sýnileikadagurinn – Búið er að skipa í Sýnileikanefnd sem mun skipuleggja viðburðinn. Skipulagning miðast við efnistöð og útfærsla við gildandi sóttvarnareglur. ETS/VJ

Eftirfylgni

- Jafnvægisvog FKA – Farið var yfir JV FKA 2021. Metfjöldi þátttakenda var í hátíðinni sem var streymt á vef RUV. KKH
- Alþjóðasamskipti: Lauder Institute og FKA Framtíð – 5 Framtíðarkonur voru í pallborðsumræðum hjá Lauder Institute á lokuðum viðburði sem streymt var innan félags. Viðburðurinn gekk vel og vakti jákvæða athygli. SHP
- Fyrirtækjaheimsókn Viðskiptanefndar gekk vel og var vel sótt hjá Eimverki. AR
- Mánaðarlegur hádegisverðafundur með stjórn gekk vel en mæting var undir væntingum.UEA
- FKA Hlaupadrottningar eru enn að, nokkrar félagskonur mæta í hvert skipti og brátt fer þessi hópur í vetrardvala vegna veðurs. ETS
- Nýliðamóttaka FKA gekk frábærlega vel. Reiknistofa bankanna tók á móti ný og síliðum úr FKA, fræðslunefnd skipulagði og góð mæting var þrátt fyrir hertar sóttvarnareglur stuttu fyrir viðburðinn. Nýliðamóttökunni var streymt innan félags sem vakti jákvæð viðbrögð. AR

- Nýsköpunarnefnd FKA hélt viðburð með Icelandic Startups í Grósku þar sem spjallað var um frumkvöðlasenu landsins. Viðburðurinn var vel sóttur og var streymt. AR

4.Önnur mál:

- Farið var yfir starfsreglur stjórnar.

Engin önnur mál tekin fyrir. Fundi slitið kl 13.30

Viðauki 1.

Faghópar innan FKA - Krafturinn sem gustar af félagskonum og stjórnin vill byggja brýr.

Fordómalausir tímar og hvert tækifæri nýtt til að tengjast til að komast út úr kófinu.

Það hefur verið ánægjulegt að sjá hóp félagskvenna þéttast á tímum Covid þar sem einstaklinga hafa gjarnan hoppað upp um nokkur borð í tækninni og þess vegna hefur framboðið af fræðslu, tækifæra til tengslamyndunnar og næringu aukist í félaginu um land allt og þvert á allt.

Fjallað hefur verið um áhrif COVID-19-faraldursins á ólíkar hliðar samfélagsins og eitt er víst að konur hafa tekið margt á kassann síðustu misserin og dæmin sýna að enn er þörf á samstöðu og sterku afli FKA til að koma ólíkum röddum að borðinu.

Þörfin til að hittast var víða uppsöfnuð eftir sóttvarnarreglur í öllum stærðum og gerðum og brá stjórn FKA á það ráð, ólíkt því sem áður hefur verið gert, að hvetja faghópa til að hittast og koma saman – eða að minnsta kosti ekki standa í vegi fyrir slíku.

FKA er öflugt tengslanet kvenna úr öllum greinum atvinnulífsins, við erum leiðandi hreyfiafl sem eflir fjölbreytileika atvinnulífsins og við styðjum kvenleiðtoga í að sækja fram og sameinum þær til aukins sýnileika og þátttöku. Þess vegna rímar myndun hópa, má nefna hóp innan félagsins í mannvirkjaiðnaði, vel við vilja stjórnar sem vill gera allt í sínu valdi svo að konur eflist og komast sterkari út úr kófinu. Ef það er með að mynda óformlega minni hópa, þar sem allar konur eru velkomnar, hópa sem eru fyrir utan nefnir, deildir og verkefni eins og hreyfiaflsverkefni FKA þá er það hið besta mál á meðan við erum að finna taktinn á tímum heimsfaraldurs. Þess ber að geta að starf slíkra hópa er sjálfstæð stærð og víkjandi á dagskrá fyrir föstum liðum og verkefnum félagsins er kemur að hlutverki þess og stefnu.

Það er dásamlegt að fylgjast með metnaði í hópnum í mannvirkjageiranum og um að gera að nýta tækifærið bjóða heim, þannig gefst tækifæri til að kynna sig og þá er hægt að bjóða félagskonur á sama sérsviði velkomnar með og efla tengslin. Konur eru hvattar að benda á hvora aðra og skrifa greinar í blöðin og láta til ykkar taka í eigin nafni og sem félagskonur FKA.

Það verður þá að koma skýrt fram að viðburðir hópa er ekki sett á viðburðadagatal FKA né er sendur út markpóstur um viðburðinn. Konur hvattar til að bjóða heim í sín fyrirtæki til að hittast, þannig gefst tækifæri til að kynna sig og þá er hægt að bjóða félagskonur á sama sérsviði velkomnar með og efla tengslin. Mikilvægt er að benda á hvora aðra og skrifa greinar í blöðin og láta til ykkar taka í eigin nafni og sem félagskonur FKA.

Faghópar eru hvattir til að fjölmenna á viðburði á vegum félagsins og efla tengslin til dæmis á fyrirtækjakynningum, á göngu eða á öðrum viðburðum félagsins. Þetta er gert svo að það myndast ekki meira álag á skrifstofu og stjórn

sem á fullt í fangi með að höndla með það sem fyrir er enda 1300 konur nú í félaginu og margt í gangi.

Nú hafa nokkrir hópar s.s. hópur bókara, markaðsmála, mannvirkjageirans og annarra myndast og á þéttu viðburðadagatali FKA hefur ekki verið rými eða vilji fyrir svona hópamyndanir en stjórn FKA fannst kjörið á fordómalausum tímum að setja sig ekki upp á móti slíku tímabundið, einmitt að gera hluti með nýjum hætti og nýta hvert tækifæri til að tengjast, því við ætlum jú að komast út úr kófinu betri í dag en í gær.

Viðauki 2.

Möguleiki kynsegin fólks á göngu inn í FKA.

„Þetta eru allt mjög eðlilegar hugleiðingar og mér finnst þú nálgast málið af fagmennsku og kærleika,“ eru þau svör við erindi framkvæmdastjóra FKA sem sent var fyrir hönd félagsins vegna erindis sem barst Félagi kvenna í atvinnulífinu þar sem möguleika kynsegin fólks á göngu inn í FKA var borið upp:

„...Ég skrifa til þín til að kanna möguleika kynsegin fólks á göngu inn í FKA. Ég skil að bæði í nafni og gjörðum eru þið samtök kvenna og ekki kvenna og kvára, en ég hef satt að segja áhuga á að slá mér til liðs við ykkur en er ekki kona heldur kvar (sem er kynsegin manneskja).“

Félagslögin, sem eru jú mannanna verk og er hægt að breyta, segja:

Lög FKA

Lög Félags kvenna í atvinnulífinu (FKA)

I. kafli Heiti félags, heimili og markmið

1. gr. Heiti félags og heimili

Heiti félagsins er Félag kvenna í atvinnulífinu, og er það skammstafað FKA. Heimili félagsins og varnarþing er í Reykjavík.

(...)

Tilgangur félagsins og markmið

Tilgangur félagsins er að styrkja enn stöðu kvenna í íslensku atvinnulífi og fjölga konum í stjórnunarstöðum og í eigin rekstri. Tilgangi þessum hyggst félagið ná með því að styðja við konur í nýsköpun og öðrum atvinnurekstri, ásamt því að efla samstöðu og samstarf þeirra á meðal.

Málið er margþætt, FKA vill vinna vel og leitar því ráða hjá Samtökunum 78 til að svara í takt við nýja tíma.

Stjórn telur enn mikla þörf að vera hreyfiafl, sýnileiki og vinna með tengslanet kvenna þar sem forgjöf kynjanna er ólík, konur oft skör lægri og það er raunveruleiki þarna úti sem sameinar konur. Enn er þörf á að vinna gegn bakslagi og stöðnun er kemur að jafnrétti í víðasta skilningi og telur stjórn enn mikla þörf á sérstöku félagi kvenna í atvinnulífinu, því miður kannski.

Þá að fæðingagallanum er sem merkingabær er mikilvægt að fjalla stuttlega um „Sís“ sem er sú breyta sem FKA hefur höndlað með til þessa og telur þörf á að gera það áfram. „Sís“ er „lýsingarorð og forskeyti sem er notað um fólk sem upplifir sig á þann hátt að það tilheyrir því kyni sem því var úthlutað við fæðingu. Sís kona er til dæmis kona sem var úthlutað kyninu „stelpa“ við fæðingu og er

sátt við það..." (<https://otila.is/hinsegin-regnhlifin/kynvitund-og-kyntjaning/sis-sis-kynja/>). Stjórn gefur sér það frelsi að endurskoða mat sitt og skipta um skoðun enda höfnum við stöðnun og ávallt til í samtalið.